

Na osnovu člana 13 i člana 92 Pravila Behram-begove medrese u Tuzli, Školski odbor Behram-begove medrese u Tuzli je, na svojoj 1. redovnoj sjednici, koja je održana dana 14. januara 2011. god.

donio

## **P R A V I L N I K**

### **o kućnom redu u Behram-begovoj medresi u Tuzli**

#### **I OPĆE ODREDBE**

##### **Član 1.**

Pravilnik o kućnom redu donosi se sa ciljem uređenja života, rada i ponašanja učenika u prostorijama Behram-begove medrese u Tuzli, kao i izvan njih, a pobliže određuje pitanja organiziranja života i rada učenika, pitanja obavljanja namaza, i drugih islamskih dužnosti, ponašanja u školi i internatu, u vrijeme nastave i korepeticija, pitanja održavanja higijene, života u internatu, korištenja slobodnog vremena, kao i druga srodna pitanja.

##### **Član 2.**

Pojmovi koji se koriste u Pravilniku o kućnom redu Behram-begove medrese u Tuzli:

JU Behram-begova medresa u Tuzli (u daljem tekstu Medresa) je odgojno-obrazovna ustanova.

Medresa je škola s učeničkim domom (u daljem tekstu: internat). Internat ima muški i ženski dio. Svi redovni učenici, u pravilu, stanuju u internatu.

Prostor u kojem se odvija nastava i koji je nužno potreban za proces odvijanja nastave, u smislu ovog Pravilnika, smatra se školom.

Učenici i učenice koji su na redovnom školovanju u Medresi, u skladu sa pozitivnim zakonom o obrazovanju, u smislu ovog Pravilnika, smatraju se učenicima.

Pravilnik o kućnom redu Behram-begove medrese u Tuzli u daljem tekstu je Pravilnik.

#### **II ORGANIZIRANJE ŽIVOTA I RADA UČENIKA**

##### **Član 3.**

Učenici Medrese su, u vrijeme boravka i školovanja u Medresi, dužni da se ponašaju u skladu s islamskim propisima i aktima Medrese, na svim mjestima i u svim prilikama.

Učenici i njihovi roditelji dužni su također da se ponašaju u skladu s odredbama Ugovora o školovanju kojeg potpisuju roditelji ili staratelji učenika prilikom njihovog upisa u prvi razred Medrese.

##### **Član 4.**

Termini za buđenje učenika, obavljanja dnevnih namaza i drugih islamskih dužnosti, kao i termini održavanja nastave, objedovanja, korepeticija, slobodnog vremena i odlazaka na spavanje određivat će se posebnim rasporedom dnevnih aktivnosti učenika, zavisno od ljetnog ili zimskog računanja vremena, kojeg donosi direktor ili druga od njega ovlaštena osoba.

Termine korištenja bibliotekom, čitaonicom, salom za dnevni odmor i rekreaciju i fiskulturnom salom, kao i termine ostalih aktivnosti u Medresi, određuje direktor ili druga, od njega ovlaštena, osoba.

##### **Član 5.**

Sve redovne namaze, kao i džumu-namaz, učenici su dužni, u skladu s određenim terminima, u vrijeme trajanja školske godine, obavljati u džamiji Medrese. Iznimno, obavljanje određenog namaza se može organizirati i drugačije.

### **III PONAŠANJE UČENIKA U DŽAMIJI MEDRESE I VEZANO ZA NAMAZ**

#### **Član 6.**

Prije obavljanja namaza učenici su dužni blagovremeno izvršiti potrebne pripreme: uzeti abdest ili gusul i lijepo se obući.

Lijepo oblačenje u smislu prethodnog stava ovog člana znači da učenici na namaz ne odlaze u trenerci i odjeći koja na sebi ima upadljive natpise i slike i za vrijeme boravka u džamiji ne koriste mobilne telefonske i druge aparate.

#### **Član 7.**

Svi učenici, izuzev dežurnih učenika, dužni su namaze klanjati u Džamiji Medrese.

Kašnjenje na namaz je zabranjeno.

#### **Član 8.**

Za vrijeme obavljanja namaza prekidaju se sve druge aktivnosti u Medresi i internatu.

Odluku o odstupanju od ovoga pravila, u izuzetnim prilikama, donosi direktor Medrese.

#### **Član 9.**

Prilikom ulaska u Džamiju Medrese, učenici ostavljaju obuću u police, koje su predviđene za to, a prazna mjesta u safovima redom popunjavaju.

#### **Član 10.**

Za vrijeme boravka u džamiji treba da budu tihi i skrušeni, naročito od početka ezana pa do završetka namaske dove i Fatihe.

#### **Član 11.**

U vremenu između namaza učenici mogu poluglasno učiti Kur'an, klanjati, činiti neke druge ibadete, ili imati druge, u džamiji primjerene, aktivnosti, prema utvrđenome planu.

### **IV PONAŠANJE UČENIKA NA NASTAVI**

#### **Član 12.**

U toku izvođenja nastave učenici su dužni da na časove dolaze bez kašnjenja, a da u vrijeme odmora ne prave buku u hodnicima i učionicama.

#### **Član 13.**

Odsustvovanje učenika s nastave u trajanju do jednog dana odobrava razrednik, a iz internata odgajatelj. Odsustvovanje učenika koje traje više od jednog dana odobrava direktor Medrese. Svako odobrenje odsustvovanja sa nastave i iz internata pismeno se evidentira.

Učenik kojemu je odobreno odusutvo s nastave ili iz internata javlja se dežurnom odgajatelju, koji to evidentira u svesku dežurnog odgajatelja.

#### **Član 14.**

U slučaju bolesti učenik je dužan otići ljekaru. Prilikom odlaska ljekaru učenik se, prije početka nastave, javlja dežurnom profesoru od kojeg dobija obrazac za evidenciju odlaska ljekaru. U obrazac se unosi vrijeme odlaska, povratka i dužina boravka učenika kod ljekara. Nakon povratka od ljekara pismeno opravdanje o odsustvu s nastave učenik predaje razrednom starješini ili odgajatelju.

Ukoliko u Medresu dolazi ljekar koji ujutro obavlja preglede učenici su se dužni javiti ljekaru koji će procijeniti da li je potrebno da idu u dom zdravlja radi liječenja. Ukoliko je to potrebno, ljekar će im izdati obrazac o evidenciji odlaska ljekaru.

Ukoliko ljekar učeniku odredi višednevnu hospitalizaciju, učenik se upućuje u bolnicu ili na kućnu njegu, po odobrenju direktora.

#### **Član 15.**

Svako odsustvo s kojim nije upoznat dežurni profesor, razrednik ili razredni odgajatelj tretira se kao neopravdano, o čemu je učenik dužan pribaviti ljekarsko opravdanje, ili će odsustvo pravdati roditelj usmenim razgovorom za razrednikom.

#### **Član 16.**

Svaki učenik je dužan sa sobom imati ovjerenu zdravstvenu knjižicu. Korištenje tuđom zdravstvenom knjižicom je zabranjeno i kažnjivo djelo.

#### **Član 17.**

Učenici, u toku nastave, mogu primati posjetu samo u vrijeme odmora na za to predviđenom mjestu. O tome ih obavještavaju dežurni učenici.

### **V PONAŠANJE UČENIKA NA KOREPETICIJI**

#### **Član 18.**

Korepeticija je vrijeme predviđeno za zajedničko učenje u učionici. U toku radnog dana učenici imaju najmanje dvije korepeticije, dnevnu i noćnu.

#### **Član 19.**

Srijedom učenici imaju samo noćnu korepeticiju.

Nedjeljom, kada učenici ostaju u internatu, predviđena je jutarnja korepeticija i večernja korepeticija. Subotom, kada učenici imaju sekcije, nadoknadu nastave ili neku drugu aktivnost učenici u predviđenom terminu imaju samo noćnu korepeticiju dok će se ostale aktivnosti odvijati u popodnevnom dijelu po rasporedu dnevnih aktivnosti srijedom. U protivnom, na snazi je nedjeljni raspored aktivnosti.

#### **Član 20.**

Korepeticija se, u pravilu, organizira u učionici. Ona se može organizirati i na nekom drugom mjestu i na drugi način, po dogovoru učenika s razrednim odgajateljem ili razrednikom.

#### **Član 21.**

Dnevna korepeticija počinje poluglasnim učenjem Kur'ana u trajanju od 10 do 15 minuta.

#### **Član 22.**

O korepeticiji i njenom toku se vodi evidencija u dnevniku korepeticije. U posebnom dnevniku se vodi jedinstvena evidencija o neopravdanim izostancima, a vodi je dežurni odgajatelj.

#### **Član 23.**

Za red i tišinu u vrijeme korepeticije zadužen je korepetitor, kojeg imenuje razredni odgajatelj ili aktiv odgajatelja. On vodi evidenciju o korepeticiji (evidentira nemirne i odsutne učenike, uz pojašnjenje razloga izostanka, ako je upoznat).

#### **Član 24.**

Korepetitor, ukoliko je to neophodno, može dozvoliti učeniku da izađe sa korepeticije, na kraći period, u školskom prostoru, uz obavezno evidentiranje odlaska i dolaska.

Korištenje mobilnog telefonskog i drugih aparata na korepeticiji nije dozvoljeno.

#### **Član 25.**

Dozvolu za izostanak s korepeticije daje razredni odgajatelj i to bilježi u svesku dežurnog odgajatelja.

#### **Član 26.**

Razredni odgajatelj, jednom sedmično, obavezno ostvaruje uvid u dnevnik korepeticije i o zatečenom stanju obavještava razrednika.

#### **Član 27.**

Izostanak s dnevne ili noćne korepeticije se tretira kao i izostanak s nastave.  
Zabranjeno je ometanje, ili kašnjenje na korepeticiju.

#### **Član 28.**

Kriterij prema kojem se, zbog izostanaka s korepeticije, smanjuje ocjena iz vladanja je sljedeći:

Primjerno: 1-5 izostanka,

Vrlodobro: 6-12,

Dobro: 13-18,

Zadovoljavajuće: 19-25,

Loše: 26-30,

Isključenje iz Medrese 31 i više izostanaka.

#### **Član 29.**

Ukoliko učenik promijeni svoj odnos prema korepeticiji, vladanje smanjeno zbog neopravdanih izostanaka s korepeticije može se popraviti.

### **VI PONAŠANJE UČENIKA U INTERNATU**

a) općenito

#### **Član 30.**

Svi učenici i učenice Medrese tokom svoga školovanja u pravilu borave u internatu i dužni su u predviđenim terminima dolaziti u internat. Ukoliko to zbog objektivnih okolnosti nisu u stanju onda o tome moraju obavijestiti razrednog odgajatelja, razrednika, ili dežurnog odgajatelja.

Odsustvo iz internata bez dozvole, kao i kašnjenje s redovnog ili vanrednog izlaza u grad, nije dozvoljeno.

#### **Član 31.**

Roditelji učenika dužni su se ponašati u skladu sa svojom pismenom izjavom, koju daju na početku godine, o dolascima učenika u internat nakon slobodnog vikenda provedenog kod kuće.

Učenici su dužni dolaziti u internat u utvrđenom terminu.

O svim promjenama, koje su u vezi sa stavom 1 i 2 ovog člana, roditelji su svaki puta dužni obavjestiti razrednog odgajatelja ili razrednika.

#### **Član 32**

Učenici se odmah nakon prvog zvona pripremaju za dnevne aktivnosti o čijem rasporedu su prethodno upoznati.

#### **Član 33.**

Neovlašteno korištenje školskom telefonskom centralom i ulazak u portirnicu, kao i u druge službene prostorije, učenicima je zabranjeno. Eventualne telefonske poruke učeniku prenosi službenik koji radi na kontroli ulaza.

#### **Član 34.**

Predaja prljave i prijem čiste posteljine vrši se prema posebnom rasporedu i u terminima određenim sedmičnim rasporedom aktivnosti.

#### **Član 35.**

Učenici i učenice se međusobno ne posjećuju u prostorijama škole, ili internata.

#### **Član 36.**

Za vrijeme nastave i poslijepodnevni aktivnosti, u prostorima internata i škole, određuju se dežurni učenici. Dežurni učenik bilježi sva važna događanja i zapažanja u svesku dežurnog učenika.

#### **Član 37.**

Za vrijeme izvođenja nastave dežurstvo obavljaju učenici trećeg i četvrtog, a u poslijepodnevnim satima učenici drugog razreda.

#### **Član 38.**

Dužnost dežurnog učenika je da savjesno ispunjava svoje obaveze prema uputama o dužnostima dežurnog učenika, koje se nalaze u svesci dežurnog učenika.

#### **Član 39.**

U prostorijama internata i škole učenici borave u papučama u kojima ne izlaze izvan tih prostorija.

#### **Član 40.**

Obuća koju oblače pri izlasku iz škole ili internata mora biti uredno složena na, za to predviđenim, policama.

#### **Član 41.**

Učenici su dužni voditi računa o inventaru Medrese kao i o racionalnom korištenju raspoloživih sredstava (struje i vode).

#### **Član 42.**

Za vrijeme izvođenja nastave, korepeticije, ili druge organizirane vanastavne aktivnosti, u džamiji i u internatu poslije večerja učenici ne upotrebljavaju mobilne telefone i slične aparate. Učenicima koji prekrše odredbu stava 1 ovog člana, mobilni telefon se privremeno oduzima i u razumnom roku predaje njegovom roditelju ili staratelju.

#### **Član 43.**

Za kršenje odredaba ovog Pravilnika učenik odgovara disciplinski, pod uslovima predviđenim Pravilnikom o disciplinskoj odgovornosti učenika Behram-begove medrese u Tuzli.

Za kršenje odredaba ovog Pravilnika, s materijalnom štetom po Medresu, učenik odgovara disciplinski i materijalno, pod uslovima predviđenim Pravilnikom o disciplinskoj odgovornosti učenika Behram-begove medrese u Tuzli.

#### **Član 44.**

Svaki učenik je svom odgajatelju ili razredniku dužan prijaviti uočenu materijalnu štetu na imovini medrese odmah po viđenju ili saznanju da je učinjena.

#### **Član 45.**

Internatski prostor se u pravilu tokom izvođenja nastave zaključava.

U izuzetnim okolnostima dežurni profesor ili razrednik mogu dozvoliti boravak u internatu za vrijeme nastave učenicima koji imaju ljekarsku poštedu od pohađanja nastave, a nisu na kućnom liječenju.

#### **Član 46.**

Učenicima je u prostorije škole ili internata zabranjeno uvoditi druga lica, bez dozvole odgajatelja ili razrednika. Ukoliko se u tim prostorima uoči prisutvo stranih lica, učenik je obavezan da to odmah prijavi službenom licu u Medresi.

### **b) u učionici**

#### **Član 47.**

U učionici u vrijeme nastave i korepeticije učenici ne smiju remetiti red.

U slobodno vrijeme učionica treba biti prostor koji će se koristiti isključivo za učenje.

#### **Član 48.**

Učenicima nije dozvoljeno u učionicama vršiti ličnu higijenu, čistiti odjeću i obuću, jesti, kao i pisati, vješati ili lijepiti bilo kakve slike, naljepnice i sl., bez odobrenja profesora ili odgajatelja.

#### **Član 49.**

Učenici su dužni učionicu držati čistom i urednom, školski pribor i knjige složenim, redovno je provjetravati, a prije napuštanja učionice svoje stolice poredati i urediti police za knjige.

#### **Član 50.**

Za vrijeme velikog odmora učenicima se preporučuje da izađu u školsko dvorište a redari su dužni u to vrijeme provjetriti učionicu.

#### **Član 51.**

Svaki učenik je dužan paziti na pravilnu upotrebu opreme i stvari koje se nalaze u abdesthani, kupatilima i zahodima, kao i paziti na čistoću u njima prilikom upotrebe, bez potrebe se u njima ne zadržavati, niti praviti galamu.

#### **Član 52.**

Za održavanja reda i mira, te izvršavanje obaveza učenika vezanih za učionicu odgovoran je redar i rukovodstvo odjeljenja.

### **c) u spavaonici**

#### **Član 53.**

Prostorom spavaonice učenici se koriste za odmor i spavanje i u tom prostoru se ne smije stvarati buka, ili bilo koja druga štetna emisija koja bi mogla uznemiravati učenike u sobi i van nje. Zabranjeno je bacati otpatke kroz prozore internata ili škole.

#### **Član 54.**

U spavaonici je zabranjeno upotrebljavati aparate i uređaje koji proizvode zvuk, kao i aparate i stvari koji mogu proizvoditi toplotu ili plamen, te mogu izazvati požar, kao što su kuhalo, rešo, grijalica i njima slični aparati.

#### **Član 55.**

Učenici su dužni čistiti spavaonice i druge životne prostore u Medresi po rasporedu koji utvrđuju ogajatelji. Učenici svoje stvari drže složenim u ormarima, a krevete, kada se njima ne koriste, namještenim i zategnutim, kao i provjetravati ih, pogotovo ujutro nakon spavanja.

#### **Član 56.**

Isključivo u ormaru učenici drže uredno odloženu odjeću i sredstva za održavanje lične higijene. Na zidove spavaonica, ormara i prozore nije dozvoljeno vješati i lijepiti slike, natpise, odjevne i druge predmete.

#### **Član 57.**

Unošenje hrane u sobe i u ormara nije dozvoljeno.

#### **Član 58.**

Učenicima je u spavaonice, a i u Medresu uopće, zabranjeno unositi zapise neprimjerenog sadržaja u bilo kojoj formi i obliku.

#### **Član 59.**

Za održavanje reda i mira, te izvršavanje obaveza učenika vezanih za spavaonicu, odgovoran je sobni pazitelj.

#### **d) u restoranu**

##### **Član 60.**

Učenici se hrane u restoranu Medrese.

##### **Član 61.**

U restoranu Medrese učenicima, osim ishrane, nisu dozvoljene nikakve druge aktivnosti, osim uz dozvolu odgovorne osobe.

##### **Član 63.**

U restoranu učenici su, pri prijemu hrane, dužni poštovati uspostavljeni redosljed, te se disciplinirano i pristojno ponašati.

##### **Član 64.**

Ponašanje u restoranu i odnos prema hrani treba da budu prilagođeni islamskim normama i bontonu. (Prije i posle jela oprati ruke, započeti Bismilom, završiti s Elhamdulillah, jesti desnom rukom).

##### **Član 65.**

Učenici hranu treba da uzimaju prema svojim potrebama, da vode računa o korištenju hljebom i da nastoje što manje hrane ostavljaju iza sebe, kako bi se izbjeglo njeno bacanje.

##### **Član 66.**

Eventualno uočeni nedostatak u hrani učenik će prijaviti dežurnom odgajatelju.

##### **Član 67.**

Nakon jela svaki učenik je dužan upotrijebljeno posuđe i pribor za jelo vratiti na, za to predviđeni, šalter.

##### **Član 68.**

Učenicima je zabranjeno ulaziti u kuhinju gdje se priprema hrana.

Učenicima je zabranjeno, po bilo kojoj osnovi, raspravljati s osobljem koje radi u kuhinji.

##### **Član 69.**

Iznošenje posuđa, pribora i hrane iz restorana je strogo zabranjeno.

##### **Član 70.**

Dok su u restoranu učenice, učenici u pravilu ne ulaze u restoran, niti se zadržavaju ispred njega, osim po odobrenju dežurnog profesora ili odgajatelja.

#### **VII PONAŠANJE I IZGLED UČENIKA**

##### **Član 71.**

Svi učenici Medrese su dužni, u Medresi i izvan nje, odijevati se po islamskim propisima.

##### **Član 72.**

Prilikom nastupa u javnosti, u svakodnevnom životu, na ramazanskoj praksi i u svim drugim prilikama, učenici su dužni ponašati se u duhu islama, toleratno, lijepo i uvažavajući druge.

##### **Član 73.**

Učenici treba da imaju lijep i korektan odnos prema zaposlenicima Medrese.

##### **Član 74.**

Učenicima je zabranjen ulazak u objekte i mjesta na kojima se konzumira alkohol, ili javno čine grijesi bilo koje vrste, kao i unošenje u prostorije Medrese bilo čega što je haram. Učenicima nije dozvoljeno da uspostavljaju kontakt i razvijaju odnose s osobama koje ismijavaju njene propise i očigledno krše zakone i javni red.

#### **Član 75.**

Pušenje u prostojima internata, škole i dvorišta je strogo zabranjeno.

#### **Član 76.**

Učenici su posebno dužni paziti na ličnu higijenu.

Lična higijena se ogleda u redovnom kupanju, pranju zuba, održavanju čistoće i urednosti svoje odjeće i obuće, u redovnom šišanju (za učenike), rezanju nokata i svemu drugom što učenika čini čistim i urednim.

#### **Član 77.**

Učenici su uvijek uredno podšišani, počešljani, urednih i pristojnih frizura.

Farbanje kose, zarezivanje i čupanje obrva, pirsing, tetovaža ili puštanje solufa učenicima nije dozvoljeno.

#### **Član 78.**

Učenicima nije dozvoljeno nositi ženski nakit: lančice, narukvice i sl.

#### **Član 79.**

Učenicima je zabranjeno nositi tijesnu, prozirnu i nepriličnu odjeću.

#### **Član 80.**

Odjeća treba da bude prikladna, kako za vrijeme izlazaka izvan školskog prostora, tako i za vrijeme boravka u prostorima škole, internata i u džamiji.

#### **Član 81.**

Prikladna odjeća za učenike podrazumijeva: košulje ili majice s kragom (bez upadljivih napisa ili ilustracija) i štofane pantalone ili farmerice klasičnog kroja, koje nisu preširoke, preuske i preduge.

#### **Član 82.**

Učenice su obavezne nositi propisnu šerijatsku odjeću u Medresi i izvan nje, bez upadljivih boja i krojeva. U propisnu odjeću spadaju i šire hlače. Na zahtjev odgajateljica, razrednice ili druge ovlaštene osobe učenice su dužne korigirati svoju odjeću i uskladiti je s pravilima islamskog odjevanja.

#### **Član 83.**

Na nastavi tjelesnog odgoja učenici su obavezni na sebi imati majice i donje trenerke ili kratke pantalone do ispod koljena, a na nogama odgovarajuće patike.

Šorc se ne smatra pristojnom odjećom.

#### **Član 84.**

Za vrijeme izvođenja nastave učenici i učenice su obavezni nositi posebne uniforme.

#### **Član 85.**

Pri spavanju učenici su obavezni koristiti pidžamu.

### **VIII SLOBODNO VRIJEME**

#### **Član 86.**

U toku dana učenici imaju svoje slobodno vrijeme.

#### **Član 87.**



Ukoliko svoje slobodno vrijeme provode izvan Medrese, učenici su dužni da vode računa o svom ponašanju, kao i o mjestima koja posjećuju.  
Učenici su dužni izbjegavati svaki mogući konflikt na ulici.

**Član 88.**

U sali za dnevni odmor učenici mogu čitati štampu, knjige, pratiti radio ili TV program. Pri tome treba da izbjegavaju pretjerano pojačavanje zvučnika.  
Prilikom napuštanja prostorija dnevnog boravka, učenici su dužni ostaviti uredan prostor iza sebe.

**Član 89.**

U sali za dnevni odmor i slobodne aktivnosti učenici će se ponašati tako da ne ometaju druge koji čitaju, prate TV-program, ili imaju neku drugu aktivnost.

**Član 90.**

U toku svojih aktivnosti u dvorištu Medrese učenici se pristojno ponašaju i svojim postupcima ne uznemiravaju druge, kako u Medresi tako i van nje.  
Učenici su dužni, u okvirima svojih mogućnosti, redovno održavati čistim dvorišta Medrese.

**Član 91.**

Slobodne vikende, praznike i mubarek-dane, učenici provode kod kuća.  
U školu se vraćaju u nedjelju poslijepodne, ili u ponedjeljak do početka nastave, o čemu odgajatelji vode preciznu evidenciju praćenu izjavom o pristanku roditelja.

**Član 92.**

Subotom i nedjeljom internat se zaključava 15 minuta nakon jacije-namaza, ukoliko drugačije ne odredi ovlaštena osoba.

**IX PRIJELAZNE I ZAVRŠNE ODREDBE**

**Član 93.**

Pravilnik o kućnom redu stupa na snagu danom donošenja.

**Član 94.**

Stupanjem na snagu ovog Pravilnika prestaje da važe Pravilnik o kućnom redu Behram-begove medrese broj 01-419/05 od 31.10.2005. godine.

Broj: 01-03-101/11

Datum: 21. februar 2011.

Husein Kavazović

---

Predsjednik Školskog odbora